

جریدہ عالیہ

مشیت جلیلہ اسلامیہ نک جریدہ راسمیہ پیدر

محرم الحرام ۱۳۳۵ [*]

عدو: ۲۷

آیدہ بر نشر اول نور

اوپنچی سنہ

مجلس اعیانک عریضه جوابیه سی

شوکت‌آب افندیمز حضرتلری

مجلس عمومینک دوره حاضره اجتماعیه سنک کشادی مناسبتیه حضورعالی تاجداریلرنده شرفیاب تلقیسی اولدیغمز نطق هایون ملوکانه لری هیئت عییدانه مزى مستغرق فخر و مباهات ایدن بیانات و تبشیرات عالییه محتوی اولمغله بوندن و بالوسيله مظهر اولدیغمز مأثر اعتماد والتفادن طولانی عتبه سنیه خسروانه لرینه تقدیم تشکر ایلرز .

مقر خلافت و سلطنته تعرض ایچون کچن سنه چناق قلعه یه قره دن و دکزدن هجوم ایدن قوی و غنود ایکی دشمنی فرازه اجبار و تاریخ مفاخر ملت بر صحیفه غرا ایله روتقدار ایدن اردو و دونمای شاهانه لری فاصله اجتماعیه ظرفنده منافع وطنک کوستردیکی شان وفداکارلق یوللرینه دوام ایله (بغداد) ی هدف تعرض ایدین بر انکلین اردوسنی (کوة الأماره) ده عرض تسلیمیه و بو اردو ایله برلشمک ایچون (ایران) طور اغنده ایلریله ین روس قوتلرینی رجعته مجبور ایتدیک کبی شمالده (دوبریجه) و (غالیچیا) ملحمه لرینه بهادرانه اشتراک ایله یدی عصرک خاطرات شان و مهابتنی طاشیان سنجاغنی متفق اردولر آره سنده یوکسک طومش و بیانات شاهانه لرندن استبشار اولندیغی اوزره شرق جبهه سنده روس تعرضنی توقیفه (یمن) و (طرابلس غرب) ده عثمانلیلغک و اسلامیتک حدود و حقوقی مدافعه یه بذل مساعی ایتشد که بونلردن طولانی جناب حقه نه قدر شکر ایتسه کیری واردر . جنود هایونلرینی، بو فریضه شکرانی ادا ایدر ایکن دخی تجیل ایله یاد ایدرک شهدایه رحمتخوان اولورز .

نطق هایون ملوکانه لرنده اشارت بیورلدیغی وجهله صدر وطندن ارتباطلری منقطع اولان انصار فدائی شعارک رابطه ایمان و عشق وطنه آتدقلری طریق مجاهده ده فداکارانه غیرتلی جداً توقیره لایق و بو بادره عظماده صف کزین مجاهدینه التحاق ایدن امام یحیی و السید احمد الشریف پاشانک علوهمت و متانتلری مناسبتیه بیان بیوریلان تقدیرات ؛ احتیاسات صنوف اهالییه تماماً موافقدر . بو جهاد مقدسده توفیقات سبحانییه مظهریت و خاک پاک وطنی تجاوز اعدادن بوسبوتون تخلیصه موفقیتمز الطاف الهیه دن مستعدادر .

قومشومز (ایران) حکومتك استحصال رفاہ و استقلالی حرب حاضرده تعقیب ایتدیكمز غایه‌لر میانده تعداد بیورلمسی مسلم و مجاور بر دولته قارشى ارشادات سنیه‌لریله تعقیب ایدیه‌لر سیاست حکیمانه‌یه اشارت اولمغله بو سیاستك خلااً و استقبلاً ایکی مملکت ایچون اك خیرلی صورتده استقرار و انکشافنه کافل اسبابه توسل اولونمسی شایان تمیدر .

عالم اسلامك نجات و سلامتی ایچون حربه مجبوریت الیرهن بر زمانده مکه امیر سابقك غصیانه قیام ایتمی ذات خلافت‌لر پادشاهیلرینی متأثر ایتدیکی قدر قلوب اهل اسلامی‌ده غمکین ایتشدور . بو حرکت سلاله‌لیایه و مقام خلافت عظمایه اهانت دیمك اولوب عهد قریبده هرثبث فاسدانه کبی بونك ده سطوت قاهره دولته عقیم قاله‌جغه اعتقادمز قویدر .

صربستانی مستحق اولدینی عاقبتدن قورتارمق و یا تختلرمن آره‌سنده کشادینه موفقیت الیرن شهره اتصالی قاپامق امیدیه بر طرفدن سالانیکه کلیتی قوتلر سوق و تحشید و متفق اردولرمزه قارشى او حوالی‌بی تحکیم ایدن دشمنلرمن دیگر طرفدن رومانیا‌یی منظمه اتفاقیه‌مز علیهنده یورومکه اقاع ایله مشلر ایسه‌ده تبشیرات سنیه ملوکانه‌لریله‌ده تأید ایتدیکی اوزره رومانیا‌نك جنوب و شمالدن بویوک برصولته ایلروله‌ین اردولرمز روس و رومن قوتلرینی پریشان ایتدکلرندن بو حرکات تدمیریهنك ده عن قریب غایه موفقیتیه ایصالی ایچون جناب حقك متفق اردولرمزه نصرت احسان بیورمسی نیاز ایدرز .

مناسبات حقوقیه‌مزى اوروپا حقوق دولی و معامله متقابله اساسلرینه توفیقاً تنظیم ایچون واقع اولان مساعی، شایان تبریک تشبثات سیاسیه‌دن اولمغله هیئت عیدانه‌مز دوره حاضره ظرفنده بونك نتیجه‌لندیرلمسهنه انتظار ایدر .

حالا حدود و حقوق‌مزى ، آتیا منافع سیاسیه و اقتصادیه‌مزى هر درلو تعرضدن وقایه مقصدیه داخل اولدیغمز هیئت اتفاقیه‌ده کندیلریله یان یانه قان دوکدیكمز ملتله مناسباتمرك متقابل بر امنیت و صمیمیت دائره‌سنده دوامی موفقیتك عوامل اساسیه‌سندن اولدینی غیر قابل انکار بولونمقله بو بابده‌کی تمهیدات شاهانه‌لری موجب شکراندر . بو یادره جهانشموله قهرمان متفقلرمزله برلکده مقصد مشروعمزى استحصال واستقبالمرك

انكشاف و تعالیسی اسبابی استكمال ایدنجهیه قدر حمیت وفداکارلقده دوام ایتمه من امر واجبدر . بو وجوب بزى يالكز حريك مشكلات عظیمه سینه مقاومت ایچون دکل ، احوال داخلیه منك الجآت مهمه سینه توفیق حرکته مداومت ایچون ده وفاق و اتحاد دعوت ایتمکده اولوب سایه الهاماتوایه شهریاریلرنده بو صورت اتحادیه نك روز افزون اولسی تمنیاتیه هیئت عاجزانه من عهده سینه ترتب ایدن وظیفه نی ارشادات سینه ملوکانه لری دائره سنده ایفایه مسارعیدن خالی قالمایه جغنی سده معلاى هایونلرینه عرض و اعلا ایدر وازدیاد عمر و عافیت و دوام اجلال وشوکت خلافتناهیلى دعوات مرفوع السمواتیه ترین لسان رقیق ایلر .

*
* *

مجلس مبعوثانك عریضه جوابیه سی

شوکتآب، خلافتناه افند من حضرتلری

جهانی هرج و مرج ایدن شو حرب عمومینك غوائل کونا کونی آرد سنده مجلس منك اجتماعنی ظفر نهائی حقنده قلبره امید بخش اوله جق احوال و شرائط دائره سنده کشاده موفقیت شاهانه لرندن دولای عریض شکران ایلرز .

خلافت اسلامیه وسلطنت عثمانیهیه قطعی بر نهایت ویرمک اوزره بحری وبری بوتون قوتلریله چناق قلعهیه هجوم ایله نومیدانه صولتلرده بولونان دشمنلره صوکه ضربه قهری ایندیره رک استانبول قاپیلرینی تطهیر ایدن اردوی عثمانینك سائر جبهه لره توجیه عزم وغیرت ایله (کوة الاماره) ده مضور انکاز اردوسنی قوماندانلریله برلکده اسیر ایتسی، وایرانی کچهرک عراقی استیلا تصوورنده بولونان روسلری مغلوب ایده ایده (طهران) جوارلرینه یتشمسی، شرق حدود منری تجاوز ایله ین روس اردولرینك دخی توفیقات ربانیه ایله دفع و طرد ایدملرینی کافل مآثر قهرمانی جمله سندندر . بوصورتله ممالك عثمانیه نك تمامی ملکیزی محافظه ایدملکله برابر قومشومر ایران دولت اسلامیه نك دخی ترقی وانکشافه حائل اولان مداخلات وتجاوزات زبونکشانهیه خاتمه چکیلمش اوله جقدر .

یالكز دولت عثمانیه نك دکل ، تکمیل عالم اسلامک تأمین خلاص و سلامتی نامنه بوتون موجودیت مزله حرب ایتمکده اولدیقمز شو صوره ده سابق مکّه امیرینك دین ودولته قارشی خیانتی نه درجه سزای تأثر وتلعین ایسه یننده برچوق محرومیتلره قاتلانه رق مظفر آ